

# 官業類沿革利弊說明書

官業類 官運局

## 例言

- 一 本書歲入款日皆照預算冊故與光緒三十四年及宣統元年報告冊類款畧異
- 一 官運盈虧冊及各局說明書均未到齊其已到者又多荒畧茲就攷察所及舉其大者
- 一 水口漳湖坂延平房村四關實爲運鹽要區預算冊未列茲特補入

---

南華金行財政說明書 例言

# 官業類沿革利弊說明書

## 第一章 總說

閩省鹽務前因西路各幫有倒罷懸額者於道光二十九年創議官辦就省設立官運總局及溪海局並於水口延平峽陽洋口光澤邵武順昌安渡拿口水寨建甯泰寧良淺洋墩大幹高灘蛟溪漠布以及東溪之房村建郡浦城等處添設掣驗轉運銷鹽各分局委員經理由省運鹽配銷售出鹽價陸續報解總局以爲解課鹽本之需此外如下游之安溪永春德化大田南安等處舊亦商辦嗣於同治元年及光緒十八年間一併收入官運至廈門之石碼局則收課運鹽福甯之白石局則督銷漁配與他處情形又畧有別爲國家稅經常之收入

## 第二章 利弊

鹽務大要曰買運銷閩場鹽不歸官買者必經保做代辦船頭大牙二牙而達晒戶弊端百出則買難上游一帶山溪險阻春夏漲而難行秋冬涸而不上則運難各處之私有由船戶拋散者有由鄰省倒灌者貴賤操縱偶失其機短絀立見則銷難而官運之地又皆倒商廢埠鹽包鹽秤多仍其舊無劃一之良法省城配鹽每包二百八十三斤四兩運至洋口轉配西溪則改爲二百斤各局收入列冊每包又暗耗數十斤若泉州配永安之鹽尤爲錯亂省城發鹽用每斤十八兩紅花之秤各局收售則大小不一而秤丁

又從而上下其手此其弊一局員出息餘鹽銀水爲大宗然餘鹽則自三四斤至十數斤不等銀水則以錢申銀以銀易錢畸重畸輕各隨其便之差異此其弊二推求其故實緣需次人多輪流調劑不得不歲易其人其視同傳舍但營私利者無論矣即能力圖公益欲求整頓而情形甫悉布置稍有端倪受代者已至雖有能手亦無所施其技是非一規制改章程不爲功

### 第三章 省外各局倉關之設置

綜官運之大綱者則有省會之總局操官運之樞機者則有省會之溪海局供官運之挹注者則有省會之南台台倉其分局之散在外屬者則爲洋口峽陽光澤邵安拿口良淺建甯泰寧洋墩其局而專司轉運者則爲建甯府其局專司轉運而兼擊驗關者則爲延平其局而兼擊驗關者則爲順昌幹寨蛟溪漢布其純係擊驗關者則爲水口漳湖坂房村其局而兼課釐者則爲浦城其散在下府者則爲泉永安溪及永德田南茲撮其要而分詳之如後

#### (甲) 省會之總局溪海局台倉

(子) 總局 道光二十九年因光邵建泰商倒額懸西路改設官運特於省之鹽法道署立一總局

鹽法道即總其成初僅委員四員至光緒元年始設提調八年始設文案十年始設幫辦提調十七年始設官運支應三十四年分課款庶務海倉溪船四科始改提調爲領班各設坐辦幫辦及學習

人員宣統元年又改領班爲正副科長改坐辦爲科員而西河浦下兩關之大使向以印官駁局者至是而裁凡各分局之事無論鉅細必以相聞然自宣統元年課釐局未撤之前則外局儘有專文報道者此固其名目職司前後變遷之大略也自開辦以迄光緒初年領道庫成本二十一萬餘兩而奏銷遲辦兩屆併徵引票之年限不清連歲之盈餘虛報至光緒二十年欠課且五十六萬兩然其時倉藏猶甚豐也二十一年至二十五年免繳全釐帶還舊課歲入驟增實則買海配溪兩俱停止隨時售賣純屬倉存表面可觀中藏頓匱於是加船械加趕運加貼空諸弊政而官運之年虧益鉅至二十八年又借道庫款八萬兩矣雖經部允五年停徵舊課而積欠三十二萬四十屆起又須分年帶征四十一屆起又須每年提前一月加以練兵興學各費相繼而增非開金門七場釐局并加詔浦釐額官運蓋不可問至三十二年繳還道庫並挪借各款計四萬九千五百兩自是以還歲入可增十餘萬兩

(丑)溪海局 設立於道光二十九年其初在鹽道署中至光緒二十六年移南台大溪前以官運委員兼治之同治四年改行票運乃設專員其責任爲買海配溪兩大端買海之鹽每担以百五十斤計配溪之鹽每包以二百八十斤計而配溪之船又有門船客船之分串通船牙捏報失水乾沒運鹽及移售他幫挪後抵前種種營私皆其慣技非令局中設立號簿將已到未到各船按月稽核

更合沿途各關局刊發移單互相知照斷難究詰其運費有加儼加酒貼空各名目自光緒二十四年以來所增甚鉅然各幫情形或到地補付或以鹽作抵或每千扣回數十文雖屬病商尙無大碍三十四年前鹽法道陳瀏改設溪運公所刪除各名目而加儼資爲官商畫一之說然所加之數過於所裁反致運鹽甚少公款空糜是又整頓之未易輕言者

(寅)台倉 以在省城外之南台故名倉凡九十而列號乃百有一可儲鹽十八萬包初由官運局兼管咸豐八年乃設專員其吊鹽入倉以担計担一百五十觔實則二百斤其盤鹽出倉以包計包二百八十三斤四兩輕重之稱量皆準以租(即粗大之天平架)租之取準在鍼鋒自光緒十九年爲放一針之說津貼客船每包乃加至三百零五斤若船戶賄通秤丁之羅漢包則更多數十斤此固西溪各局私鹽充斥一種之原因每包計原有之正溢八釐近年更於此外責令委員盡行申報

(乙) 洋口光澤建甯泰甯良淺峽陽邵安擊口洋墩各官運局

(子)洋口局 創設於道光二十九年(以下各局多係同時擬設皆不另詳年月)至光緒二十一年改發總局關防爲光邵建泰順昌六幫之總匯主盤運鹽包催提課款查緝船私稽查幫情各重要凡省配之鹽除由延平盤淺者照包轉運外餘則悉改爲二百斤平包每大包一百中爲一百二十四計大包之配與東溪浦城者以二百七十斤報冊每包已暗少十餘斤若以二百八十三斤餘

之大包申二百斤之平包僅得一百二十四包之數則每包且暗少三十餘斤以歲運四萬包計之則每年宜暗少百數十萬斤而台倉放鍼所加尙不在內故三十四年議禁西溪改包使與東溪一律以爲稍資補救而阻者乃謂洋口以上水淺灘多小船不任重載遂相沿未改積習不除深滋官引之害亦所謂當斷不斷者也

(丑)光澤 初合邵武爲一局至同治七年乃析而二之委員外又有道派之公友會友蓋官商合辦之幫其地與江西之瀘溪貴溪鉛山毗連而達於建昌撫州饒州各屬故西路銷鹽之大埠首數光澤額引計一萬八百零引歲銷平包五萬餘後因准岸收回引地緝私甚嚴衝銷頓墜且爲船私所奪近止二萬數千包矣

(寅)建甯 初並泰甯爲一局咸豐七年乃析而二有官派之總友會友後乃裁友派員其額引一千二十蓬銷鹽四萬五百餘包每包提餘鹽三十斤歸公其銷路向由西販運銷新城南豐一帶嗣因粵商販運詔浦之鹽由潮州而達至江西之甯都州且局員出息在運鹽而不在銷鹽故連年銳減近遂不及萬包

(卯)泰甯 光緒四年由建泰官運分館改設初時僅售民食後因委員充拓銷路於得勝關外江西境之祥順裕泰仁義姓合興各子鋪放販招徠先鹽後課雖銷數增多而所欠亦鉅始則下月完

上月之課繼則乙年完甲年之課往往卸辦委員竟須坐待年餘始能收清回省而實尙暗挪繼任委員應收之課以償前欠所以積而愈多至三十四年幾五萬兩方行禁止雖先經提委員每兩五十文之銀水後又裁去每包加夫力八十文以資彌補究屬杯水車薪無裨大局其在本縣境內之城舖新橋米口各子舖則均因欠課改由局售大抵西溪各局其銷鹽多假手於子舖中惟光澤十日一繳者課款無欠餘則建甯最居少數然子舖之領局鹽既受局中銀水餘鹽之貼又復格外私加銀水致令鹽貴銷滯而逋欠又歸之局中國計民生兩俱有害若裁去子舖而以銀水餘鹽貼之販戶則招徠更廣且無積欠之慮誠策之上也

(辰)良淺 在邵武府泰甯縣之良淺鄉本爲建泰分館同治五年始設委員其水道北行二十里折而稍東赴泰甯又北轉而西赴建寧距泰甯五十里距建甯九十里凡官商勻銷洋口配運之鹽皆由之轉撥故泰甯局設倉於此

(巳)峽陽 爲南平倒商懸額之引地初僅設一司事光緒四年始改派員其局專售民食銷數不多最旺之年亦罕及二千包其鹽取之省城運往洋口之船每號例得盤起數包名曰裁台

(午)邵安擊口 邵武官運局當開辦時與安渡擊口同爲光澤分館同治七年設邵武專局光緒十六年并安渡於邵武二十一年並擊口亦屬焉自邵武南行三十里爲安渡又五十里爲擊口下



距水口寨百五十里北距光澤八十里引額歲應銷鹽八千餘包近則三不及一

(未)洋墩 去順昌縣城九十里始爲分館咸豐十一年併於順昌局同治六年復由道派委司事光緒四年因司事侵挪課款又改爲局設委員然歲銷鹽不過千餘包不如仍歸順昌局爲得計

(丙)建寧府轉運局 設於光緒八年專司轉運由省赴浦城之鹽照定章按包發餉嗣因鹽缺趕運疊次增加有加省淺大洲淺新招建淺省船貼空回建貼空另貼酒餉各名目及押運貼息倉耗失水所報尤多每年遞加竟至三分之二然旺銷之時缺鹽如故仍不免閉倉停售故三十一年由鹽法道裁去貼空貼息倉耗貼餉押運五項年節省銀近五千兩至三十四年並詳撤委員以浦局兼管事權歸一始無運不敷銷之患而公家所省歲亦不貲

(丁)延平轉運局兼掣驗關 地爲東西兩溪交匯之處專掣驗官商鹽船扒私申報初以南平縣知縣兼管同治七年改爲委員而別設轉運局後復裁局而併於關其驗費每包十二文除關用外餘以解道關章船鹽過秤溢出汗兩得以發價收買化私爲官最爲良法惜未實地奉行至其裨政則在加包包者收買割草(凡商鹽未到幫地中途發買以銷無課之鹽者謂之割草)之鹽售諸官商運船之謂也然非奉公守法之委員未能免此

(戊)順昌幹寨蛟溪之掣驗關兼官運局

(子)順昌 始設於光緒二十九年關以上分爲兩溪一經蛟溪漢布歷高灘越將樂而達良淺再分赴建泰二縣一經大幹水口寨歷擊口安渡越邵武而達光澤去關十里別一小溪東行達洋墩蓋光邵建泰將順六幫之咽喉嚴密梭巡則各私可絕惟秋冬水淺各船不能滿載恒以一船屯起輕之鹽包輪流盤運名曰打拘船戶每藉此盤私盜賣其弊最不易革

(丑)幹寨 大幹水口寨本皆分館水口寨兼管掣驗光緒四年改設委員九年乃并爲一關爲光邵咽喉官商鹽船均歸掣驗遇有私鹽儘數扒獲水口專售民食有公幫大幹則官運獨銷

(寅)蛟溪 初謹漢布設一分館咸豐四年乃增蛟溪高灘爲洋口運赴良淺之船所必由咸豐四年建幫官商請道派司事專司盤驗光緒四年乃改委員又裁漢布并於蛟溪而兼高灘關掣驗蛟溪爲官商合共漢布則官運所獨均銷民食歲共千餘包

(巳)水口漳湖坂房村掣驗關

(子)水口 關爲西路總口乾隆四十七年以水口縣丞兼管同治七年始設專員司官商鹽船獲私申報初本發商變價後改令溪海局折價以四成充賞六成解道然自收驗費平安費以來船私已不能問又自提驗費歸公提平安費爲代額而委員又重取之船戶船私愈不可問其江西船幫乘衆而來力不能問者更無論矣此又各關之通弊也

(丑) 漳湖坂 其初本金沙灘之驗館或用友或委員遷移不定光緒十六年始設專員而移於漳湖坂其地爲延平府屬南平縣滄峽巡檢駐紮之所專查鹽船失水及催趨前進不扒私不抽費關用由洋口局按月撥付支銷

(寅) 房村 其地屬建甯府之建安縣上距府城七十里下距延平五十里光緒八年浦城開辦官運派友盤驗九年由道詳定撤將樂監銷委員移駐該處後因商幫屢言官運船戶拋私害引遂許商幫會驗每包收費十二文提作關用然陋規既入則關禁自疏而扒私發賣盡成具文故西路幫所有掣驗關僅勘失水及核扣價追賠鹽本爲惟一之公事

(庚) 浦城官運課釐局 道光時爲三商分辦之地及咸豐十一年幫倒額懸成爲廢埠同治四年設課釐局以抽各私鹽之釐每斤兩文光緒八年始行官運其時銷額尙旺歲可二萬包左右中經鹽缺銷細歲僅一萬二三千包嗣於二十九年由委員以出息貼販趕運而鹽缺如故然其時銷數漸旺鹽價逐加由二文至七文故解省解建正什各款遂有十三萬餘兩三十一年以後清查裁提以建甯轉運歸併浦城則除鹽本運本局用外公家歲贏可三萬餘兩蓋光緒五年而後皆由贏而虧者也其銷路恃冲銷江西之廣信廣豐等處非優恤販戶則銷數爲減惟廣信廣豐爲浙之引地而與浦鹽爲敵者則又非浙鹽而爲福建興化運往溫處倒灌之鹽故當日抽釐之意非求釐多在

於使私鹽之存本加重不能奪官鹽之銷路故自三十二年加釐二文又於興化沿海抽出口之釐更持減價敵私之宗旨而浦局籌銷漸見其易矣

(辛) 泉永課釐漁配及安溪永德田南官運局

(子) 泉永 當同治四年改行稟運時泉州府屬之課釐歸稅釐局兼征六年設漁配局收運鹽出洋配漁船之課光緒十六年設安溪官運又以漁配局爲永安兩幫之總其屬於官運者爲安溪之船哨官屬於課釐者爲晉江惠安之二商幫及山腰樸戶課釐歲有定額漁配亦僅二千餘兩其重要在官運一方面屯鹽配運接濟安永相時度勢實綜樞機其冊報買海以一百八十二斤爲一石實收二百斤配於永春則一百三十五斤水江詩口則一百三十二斤洪瀨則一百八十斤二兩參差已甚非改良劃一則兩局銷數實無自而清釐

(丑) 安溪 光緒十八年安溪收回棧販黃坂之引地設轉運局於湖頭十九年又有棧販周兆蘭乞退遂改安溪爲官運局二十年裁湖頭并於安溪其分館凡八曰羅渡曰源口曰官舍曰尙鄉曰魁斗曰湖頭在安溪者也曰橫口在永春者也曰黃坂在大田者也有收私分卡在南安縣之溪尾收貨船貼儼分卡在安溪城外南水關從前銷數歲率三萬包公家贏餘可萬餘兩自光緒三十二三年間海價大貴成本過重餘利遂輟然歷次裁提每年亦數千兩苟溪尾之卡實行收私尙鄉

之私權力增截又能就近整頓南安場鹽官收官賣則安溪一局所增歲當不少也

(實)永德田南 同治元年商幫以私盛奪銷不支而倒二年派員設局發帑本銀五千餘兩四年以辦理無效一改舊章聽憑委員自備資本運銷認課光緒二十二年設泉永官運局永鹽遂由之購運然興化場鹽由仙游過白鶴嶺以沖銷永屬諸縣歲當數萬担故永課常絀每鹽皆以安溪之盈餘補之苟堵截得宜或抽釐以爲之限則合永德田南四州縣地廣人稠課額定有可觀現則委員卸差之時輒以存鹽減價發舖每閱數月其款方清恐將蹈秦甯放賬之弊是不可不早爲備也

#### 第四章 官運歲入之款目

官運之歲入分經常臨時其屬於經常者曰正鹽售價則合各局所賣之鹽應得價銀之款曰代額則縣澳及西路倒罷各幫其虛懸減輕之額或提之各局或分之商幫之款曰鹽斤加價則光緒三十四年度支部奏准每斤酌加四文抵補土藥稅一半解部一半劃歸產鹽省分勻撥濟用之款曰溢鹽加價則省倉配鹽每斤十八兩各局售鹽每斤十六兩提各局之餘鹽每石每包由四斤至十六斤不等之款曰各局裁提則各局署俸薪糧減二成光緒六年之舊案十一年之新案又光緒六年起裁提各局委員接卸之夫價又十一年起因中法馬江戰後提捐鎗炮經費又十四年起水口洋口光澤三局提補代額又三

十一年起提補台灣閑款又二十二年起裁提各局卡費用又三十年起提補練兵經費又三十二年  
起籌款裁提又三十四年起裁建甯轉運并歸浦局提款又洋口以上改大包必二百斤平包獨建甯以  
一百八十斤列冊又三十二年以餘鹽每包二十斤歸公又泉永總局餘鹽每担五斤搭配安溪按價售賣  
除年以二千兩彌補總局水災損失外餘以解省各等款曰銀水則光緒三十二年因局商秤過額每兩  
提銀水一百文又光澤子舖鹽斤售價用市平洋銀繳課外貼補足庫紋銀水由委員照解各等款曰柴  
照費則海船運鹽來省返必裝柴由道給發護照每柴千把繳洋一元五角之款其屬於臨時者曰倉庫  
租則官運舊倉租與民居月由溪運公所收錢繳局之款曰賠繳鹽本則查明鹽船失水有無盜賣捏報  
分別責賠之款曰息款則光緒三十年清查官運積虧將庫存息款盈餘并提公項下共撥銀一萬兩交  
官錢局生息又光緒二十九年在海質款內提銀四千兩存典舖生息各等款以上各名目所有銀兩數  
目均見預算冊茲不復詳

附列各表

官運各局多係承商之舊各有課額爲各局課額表以備攷然旺淡之年距離甚遠最關籌畫故又

爲各局之旺淡表

官運各局課額表

局	名	課
光	澤	二萬一千八百〇九兩〇四分
邵	武	六千八百二十九兩二錢四分
安	渡	課併邵武
學	口	課併邵武
水	口 寨	課併邵武
建	甯	二萬七千〇二十九兩六錢四分
泰	甯	一千三百四十三兩三錢二分
良	淺	課併邵武
順	昌	二千一百九十二兩〇八分
蛟	溪	課併順昌
漢	布	課併順昌
大	幹	課併順昌

永	安	浦	峽	梓
春	溪	城	陽	墩
一千九百九十九兩七錢二分五釐	六千七百〇五兩一錢五分一釐	二千七百二十六兩四錢	二百八十一兩一錢六分	課併順昌

官運各局銷鹽旺淡表

局	名	旺	銷	淡	銷
光	澤	一萬五千七百八十一包		六千四百三十六包零	
邵	武	一千二百〇一包六角零		六百八十一包二角零	
安	渡	二百四十八包七角零		一百四十九包一角零	
寧	口	四百七十一包二角零		二百十三包零	
永	寨	四百四十五包八角零		二百六十二包四角零	
建	甯	九千六百零包		六千八百三十四包二角零	



永	安	浦	峽	洋	大	漠	蛟	順	良	泰
春	溪	城	陽	墩	幹	布	溪	昌	淺	甯
二萬七千一百二十二担六斤零	四百二十四萬二千〇二十五斤	三萬三千一百四十四包	一千八百〇五包	一千三百五十四包	五百三十二包	四百二十一包	九百五十七包	一千四百十二包	七千六百七十九包零	七千七百八十一包
一萬六千八百六十一担四斤零	三百四十七萬二千四百六十六斤	二萬一千零二十七包	一千四百六十八包二角零	九百八十六包	四百五十三包	三百五十四包	七百七十八包六角	九百四十八包九角	四千四百九十二包八角零	五千五百五十七包

福建全省財政說明書 歲入部 官廳類